

# 永樂大典

二五

卷〇三四五 鳥字

卷〇三四六 鳥字

卷〇三四七 鳥字等

重錄  
總校  
官  
付  
郎  
正  
高  
洪

學士  
正  
翟  
秉  
淳

分  
校  
官  
前  
德  
臣  
張  
居  
正

寫  
書  
官  
序  
班  
臣  
何  
物

國  
點  
監  
生  
臣  
曹  
忠

臣  
周  
芬

商政五而六界商政三四六紅林

# 永樂大典卷之二千三百四十七

六模

烏

## 義烏縣

大明清類天文分野書漢烏傷縣地屬會稽郡初平三年分縣以南為長山縣東陽志云新莽改為

烏孝異苑云東陽顏烏事親孝父亡負土成塚群烏銜土助之烏吻皆傷因以名縣三國吳寶鼎元年置東陽郡以縣屬焉晉齊梁陳隋並因之唐武德四年即縣立綱州又分置華川縣七年州罷省華川縣入烏傷且改名義烏金華府志垂拱二年割置東陽縣天寶十三年又析縣及蘭溪富陽以縣浦陽今之金華東陽蘭溪永康武義浦江在二漢時皆烏傷之地宋元並仍其舊

本朝因之詳華宋葛元承詩義烏道中

烟半路塵兒女一簪清淨供蘇溪茶點建溪春小兩山寒占麥

秋溪南溪北水交流桃花又報

東風急雲帶雨來山欲浮

飛鳥縣

舊唐書地理志。飛鳥縣。漢鄆縣地。隋置飛鳥鎮。又改

中朝發江亭。暮山驛。面顏塵埃手龜拆。弟兄相逐兩浮萍。一盞

村醪慰愁寂。高堂老人念兒寒。兒念老人不得眠。慙慙祝付送書

鴈。為傳片字報平安。

烏氏

千家姓羽音張掖元和姓纂烏齊有烏餘。烏枝鳴。苔有

人烏石蘭。改姓烏。纂御史大夫。烏洽洽從父弟。玼玼生重胤。今烏

河南節度。姓氏急就篇。唐世系表出姬姓。黃帝之後。少昊氏。以烏

鳥名官。以世公命氏。唐有烏崇福。知義。漢功臣表。烏黎以匈奴。姓

氏源流。頴川古今姓纂。角音烏承玼。唐開元中。與族兄承恩。皆為

平盧先鋒。沈勇而

決。號棘門二龍。

烏枝鳴

蘇子由古史。宋徽子世家。十一年十月。華登以吳師救華氏。齊烏枝鳴戍我。以我師敗華氏于新里。

烏獲

史記秦之力士。能舉萬鈞鼎。秦本紀。武王有力好戲。力士任鄙。烏獲孟說。皆至大官。

烏氏倮

史記貨殖傳。烏氏倮贏畜牧。及眾斥賣。求奇繒物。間獻遺戎王。戎王什倍其價。與之畜畜。至用谷量馬牛。秦始皇帝

令倮比封君。以時與列臣朝請。

烏承恩

通鑑綱目唐肅宗乾元元年。史思明反。殺范陽副使烏承恩。李光弼以史思明終當叛亂。而烏承恩為思明所親信。

陰使圖之。又勸上以承恩為范陽節度副使。賜阿史那承慶鐵券。令共圖思明。上從之。承恩多以私財募部曲。又數衣婦人服。詰諸將說之。思明聞而疑之。會承恩入京師。上使內侍李思敬與俱宣慰范陽。謀泄。思明執承恩。索其裝囊得鐵券。及光弼牒。思明乃集將佐吏民。西向大哭曰。臣以十三萬眾歸朝廷。何負陛下而欲殺臣。遂殺承恩。及其黨二百人。因思敬表言之。上遣中使慰諭思明曰。此非朝廷與光弼之意。皆承恩所為。殺之甚善。思明表求誅光弼。命耿仁智。張不矜為表云。陛下不為臣誅光弼。臣當自引兵就太原誅之。不矜以示思明。及將入函。仁智削去之。思明聞之。命

執二人斬之。仁智事思明久。思明憐欲活之。仁智大呼言曰。人生會有一死。得盡忠義。死之善者也。今從大夫反。不過延歲月。豈若速死之愈乎。思明怒。擗殺之。范氏曰。匹夫一為不信。猶不可自立於鄉黨。况人主而為不信。天下其誰從之。肅宗既納思明。加以壽命。思明未有逆亂之節也。李光弼為國元帥。職在禦侮。知其終叛。言於君而備之可也。待其發而誅之可也。乃使傳詔之臣。為盜賊之計。不亦辱王命乎。事捷則反側之人誰不懷懼。不捷則適足長亂。非所以彌亂也。既失信於已降之虜。又歸罪於死事之臣。欲以服姦雄之心。豈不難哉。

## 烏承玼

新唐書列傳。字德潤。張掖人。開元中。與族兄承恩皆為平盧先鋒。沈勇而汰。號棘門二龍。契丹可突于殺其王邵固。

降突厥而奚亦亂。其王曹蘇挈族屬。及邵固妻子自歸。是歲奚契丹入寇。詔承玼擊之。破於捺祿山。二十二年。詔信安王綽率幽州長史趙含章進討。承玼請含章曰。二虜固劇賊。前月戰而北。非畏我乃誘我也。公宜審銳以折其謀。含章不信。戰白城。果大敗。承玼獨接。隊出其右。斬首萬計。可突于奔北奚渤海。大武藝與第門藝戰。國中門藝來。詔與太僕卿金恩蘭。發范陽新羅兵十萬討之。無功。武藝遣客刺門藝於東都。引兵至馬都山。屠

城邑。承玼室要路。塹以大石。亘四百里。虜不得入。於是流民得還。士少休。脫鎧而耕。歲省度支運錢。安慶緒使史思明守范陽。思明恃兵彊。為自固計。慶緒密遣阿史那承慶。安守忠就督事。且圖之。承玼勸思明曰。唐家中興。與天下更始。慶緒偷肆戮刻。公殆與俱亡。有如束身本朝。湔洗前汙。此反掌功耳。思明善之。斬承慶等。表奏聽命。始承恩為冀州刺史。失守。思明護送東都。故肅宗使自雲中趨幽州。間說思明與承玼謀。授纍殺之。不克死。承玼奔。李光弼表為冠軍將軍。封昌化郡王。為石嶺軍使。王思禮為節度使。軍政倚辦焉。久之移疾。還京師。卒。年九十六。子重胤。別傳。玼。雌氏切。捺。奴葛切。湔。則前切。韓昌黎集烏氏廟碑。元和五年。天子曰。盧從史始立議。用師于恒。乃陰與寇連。夸謾兇驕。出不遜言。其執以來。其四月中。貴人承瓘七罪。切即誘而縛之。其下皆甲以出。操兵趨譚。牙門都將烏公重胤當軍門叱曰。天子有命。從有賞。敢違者斬。從下或有者。字於是皆歛兵還營。卒致從史京師。士辰詔用烏公為銀青光祿大夫。河陽軍節度使。兼御史大夫。封張掖郡開國公。居三年。河陽稱治。詔贈其父工部尚書。且曰。其以廟享。其下或作以其。即以其年營廟于京師崇化里。軍佐竊議曰。先公既位常伯。而先夫人無加命。號名差卑。於配不宜。語聞。詔贈先夫人劉

氏沛國太夫人。八年八月廟成。三室同宇。祀自左領府君而下。作主于第。  
乙巳升于廟。三室同宇。方云史記。渭陽五帝廟同宇。常昭曰。謂上同下異也。宇一作宇北。今按後漢以來公私廟制。皆為同堂異室。方說是也。為  
氏著於春秋。譜於世本。列於姓苑。在莒者存。在齊有餘枝鳴。皆為大夫。齊  
下或有者字。餘下或有有字。秦有獲為大官。其後世之江南者家鄱陽。處  
北者家張掖。或入夷狄為君長。唐初察為左武衛大將軍。實張掖人。其子  
曰令望。為左領軍衛大將軍。孫曰蒙。為中郎將。寔生贈尚書諱承玘。字某。  
贈下或有工部字。玘。或作洽。方云新史。承玘有傳。字德潤。重胤傳亦云。承  
玘子也。溫公考異。嘗加辨正。宋樊本皆作承玘。蓋許孟容審為承玘碑。石  
本猶傳於世。新傳蓋本此也。烏氏自莒齊秦大夫以來。皆以材力顯。及武  
德以來。始以武功為名將家。開元中。尚書管平盧先鋒軍屬。破奚契丹。屬  
武作屨。今按屬以連屬之意。從戰掄奴易切。祿走可突干。諸本多作  
突干。或作汙干。方從許碑定从干云。可突干。契丹之勇將也。新傳奚契丹  
入寇。承玘破於捺祿山。大戰白城。承玘按隊出其右。斬首萬計。可突干奔  
北。渤海擾海上。至馬都山。吏民逃徙失業。尚書領所部兵塞其道。墮原果  
石綿四百里。深高皆三大。寇不得進。民還其居。歲罷運錢三十萬餘。或無

擾海宇。方从李本增云。新傳亦考。或作壘。許碑云。武藝出海濱。至馬都山。晉陷邑。公以本營土馬防邊害。武藝。即渤海主也。黑水室。南曰契丹。以騎五千來屬。麾下邊威益振。其後與耿仁智謀。說史思明降。思明復叛。尚書與兄承恩謀殺之事。發族夷。尚書獨獲免。許碑承恩。承此之從父兄也。李光弼以間詔拜冠軍將軍。守右威衛將軍。檢校殿中監。封昌化郡王。石嶺軍使石嶺。或作左領。方云。抗。蜀梓與許碑新傳。皆作石嶺。積粟屬兵出入耕戰。以疾去職。貞元十一年三月丁巳。薨于華陰。告平里。年若干。許碑年九十六。即葬於其地。二子大夫。為長。李曰重元。為某官。銘曰。烏氏在唐有家於初。左武左領二祖。紹居左領。或作右領。中即少。卑屬于尚書。不償其勞。乃相大夫授我戎節。制有壇壝。有。或作有。其疆。或作疆。數備禮登。以有宗廟。方無數字。登下有壇字。今按數備禮登數字。乃名位不同。禮亦異數之數。言制數既俗。禮亦增崇也。素氏廟碑所謂數以立廟。亦是此意。若如方本。即上句已言授節。不應至此始言登壇。况登壇。又與立廟不相關乎。作廟天都。以致其孝。右祖左孫。爰饗其報。蜀本文苑。作左祖右孫。今按廟制。以四為主。方本為是。云誰其子。其有無孫。其有。或作孰。其。克對無羞。乃惟有人。克方作克。念昔平盧。為難為瘁。大夫承之。危不棄義。四方

其平。士有怠息。來觀來齋。以饋泰稷。

## 烏重胤

舊唐書列傳。字保君。河東將承玘子也。少爲潞州牙將。元和中。王承宗叛。王師加討。潞帥盧從史雖出軍。而容與賊

通。時神策行營吐突承瓘與從史軍相近。承瓘與重胤謀。縛從史於帳下。是日重胤戒嚴。潞軍無敢動者。憲宗賞其功。授潞府左司馬。遷懷州刺史。兼充河陽三城節度。會討淮蔡。用重胤壓境。仍割汝州隸河陽。自王師討淮西三年。重胤與李光顏犄角相應。大小百餘戰。以至元濟誅。就加檢校尚書右僕射。轉司空。蔡將有李端者。過潞。河降重胤。其妻爲賊束縛於樹。嚮食至死。將絕。猶呼其夫曰。善事烏僕射。其得人心如此。元和十三年。代鄭權爲橫海軍節度使。既至鎮。上言曰。臣以河朔能拒朝命者。其大略可見。蓋刺史失其職。反使鎮將領兵事。若刺史各得職分。又有鎮兵。則節將雖有祿山思明之姦。豈能據一州爲叛哉。所以河朔六十年。能拒朝命者。祇以奪刺史縣令之職。自作威福故也。臣所管德樂安景三州。已舉公牒各還刺史職事訖。應在州兵。並令刺史收管。又景州本是弓高縣。諸却廢爲縣。歸化縣本是草市。請廢縣依舊屬德州。詔並從之。由是法制修立。各

歸名分。及屯軍深州。重胤以朝廷制置失儀。賊方憑凌。未可輕進。觀望累月。穆宗急於誅叛。遂以杜叔良代之。以重胤檢校司徒兼興元尹。充山南西道節度使。召至京師。復以本官為天平軍節度。郭曹濮等州觀察等使。李同捷據滄州。請襲父位。朝廷不從。議者慮狡童拒命。欲以重臣代。乃移鎮兗海。加太子太師平章事。俾兼領滄景節度。仍舊割齊州隸之。蓋望不勞師而底定。制出旬日。重胤卒。贈太尉。重胤出自行間。及為長帥。赤心奉上。能與下同甘苦。所至立功。未嘗矜伐。而善待賓僚。禮分同至。當時名士咸願依之。身歿之日。軍士二十餘人。皆割股肉以為祭。雖古之名將無以加焉。子漢弘嗣起復。授左領軍衛將軍。漢弘上表乞終服紀。文宗嘉詔從之。服闋。方授官。通鑑綱目唐憲宗元和九年。以烏重胤為汝州刺史。李吉甫以為汝州杆蔽東都。而河陽宿兵本以制魏博。今田弘正歸順。則河陽為內鎮。不應也。重兵以示猜阻。以烏重胤兼汝州刺史。使徙鎮之。加弘正檢校右僕射。賜其軍錢二十萬緡。弘正曰。吾未若移河陽軍之為喜也。元和十一年夏五月。李光顏烏重胤敗淮西兵於陵雲柵。是年李光顏烏重胤拔陵雲柵。柳宗元集上河陽尚書重胤欲獻文啓一本。作上河陽尚書啓。宗元答。伏以尚書以碩德偉才。代著勳烈。兩河定亂。三城建功。烏

重胤。少爲路州牙將。盧從史奉詔討王承宗。陰與賊通。元和五年。重胤縛從史以獻。憲宗嘉重胤功。擢神河陽。邕陽有三城。故曰河陽三城節度使。鼎彝竹帛。未足云紀。進臨汝上。元和九年。以重胤爲汝州刺史。充河陽淮汝節度使。徙治汝州。控制東方。隱然長城。朝野倚賴。宗元雖屏弃避讓。而飽聞德聲。所恨不獲親執鞭弭。以備戎伍。潘云弭音秋。左氏其左執鞭弭。注。弭。弓末無緣者。夙夜踴躍。不克寧居。伏以威稜所加。狂狻已震。謂吳元濟莫大之績。重復增崇。小子久以文字進身。嘗好古人事業。專當具筆札。拂繡紉音兼袞贊揚大功。垂之不朽。瞻望霄漢。戀慕交深。冒瀆威嚴。伏增戰越。宰相世系表烏氏出自姬姓。黃帝之後。少昊氏以烏爲名官。以世功命氏。齊有烏之餘裔孫。世居北方。號烏洛侯。後徙張掖。

|     |     |     |    |
|-----|-----|-----|----|
| 察左武 | 令望左 | 蒙左武 | 承恩 |
|-----|-----|-----|----|

衛大將領軍大衛中郎

|   |    |   |
|---|----|---|
| 軍 | 將軍 | 將 |
|---|----|---|

承玼右重胤字漢弘

威衛將保君天左羽

軍檢校平節度林將

---

殿中監  
使守司  
軍  
昌化郡王  
徒那圖公

行密

州刺史

漢貞左

金吾將

軍

行方河

南丞

漢封衛

尉寺丞

漢章右

執衛舍

曹參軍

行恩

倉曲目

參軍

重元

烏氏三公一人重胤

唐宰相三百六十九人。凡九十八族。再入五十七人。長孫無忌。楊師道。李勣。褚遂良。李義府。劉仁軌。饒味道。狄仁傑。姚瑋。李元素。婁師德。陸元方。蘇味道。楊再思。杜景佺。宗楚客。魏元忠。張錡。唐休璟。韋嗣立。蘇瓌。蕭至忠。岑羲。宋璟。鄭元振。竇懷貞。源乾曜。苗晉卿。李峴。杜鴻漸。李勉。鄭餘慶。武元衡。李吉甫。張弘靖。李逢吉。王涯。王播。平僧孺。李宗閔。李德裕。崔鉉。杜棕。白敏中。劉墀。盧勣。鄭從諱。裴澈。蕭遠。韋昭度。孔緯。徐彥若。李鄴。王持。陸扆。崔遠。裴樞。三入十二人。武承嗣。武攸寧。豆盧欽望。武三思。李嶠。李懷遠。崔湜。劉幽求。張說。張延賞。王鐸。鄭畋。四入三人。韋巨源。姚元之。韋安石。王入三人。蕭瑒。裴度。崔胤。三公三師。七十一人。宗室親王二十人。秦王世民。齊王元吉。荆王元景。吳王恪。

徐王元禮。韓王元嘉。霍王元軌。舒王元名。相王旦。宋王憲。申王撝。邵王守禮。忠王浚。薛王業。慶王琮。廣平郡王儼。福王綰。撫王絳。榮王儼。建王振。以宰相及前宰相遷者二十七人。裴寂。房玄齡。長孫無忌。李勣。武王世。楊國忠。杜佑。裴度。王涯。李德裕。李讓夷。杜棕。白敏中。令狐綯。夏侯孜。常保衡。王鐸。鄭畋。鄭從諱。蕭遘。常昭度。孔緯。杜讓能。徐彥若。崔胤。王持。柳璨。以軍功進者二十人。李光弼。郭子儀。王思禮。僕固懷恩。李抱玉。田承嗣。李正己。朱泚。李寶臣。侯希逸。馬燧。李晟。李光顏。烏重胤。王智興。李載義。李克用。王建。韓建。朱全忠。以恩澤進者四人。武攸暨。李輔國。于頔。韓弘。皆通見宰相世系。別著田氏烏氏二族。希逸亡其世系。輔國中官也。懷恩。叛臣也。朱泚。王建。韓建。朱全忠。唐之盜也。皆削而不著。玼。離氏切。

# 烏震

五代史唐書列傳。冀州信都人也。少事趙王王鎔。為軍卒。稍以功遷裨校。隸符習軍。習從莊宗于河上。而鎔為張文禮所弑。震

從習討文禮。而家在趙。文禮執震母妻及子十餘人。以招震。震不顧。文禮乃皆斷其手鼻。割而不誅。縱至習軍。軍中皆不忍正視。震一恸而止。憤激

自勵身先士卒。晉軍攻破鎮州。震以功拜刺史。歷深趙二州。震為人純質。少好學。通左氏春秋。喜作詩善書。及爲刺史。以廉平爲政有聲。遷冀州刺史。兼北水面陸轉運使。明宗聞其名。擢拜河北道副招討使。領寧國軍節度使。代房知溫戍于盧臺。軍始至。而戍兵龍旺等作亂見殺。贈太師。嗚呼。忠孝以義則兩得。吾既已言之矣。若烏震者。可謂忠乎。甚矣震之不思也。夫食人之祿。而任人之事。有任專其責。而其國之利害。由己之爲不爲。爲之雖利於國。而有害於其親者。猶將辭其祿而去之。矧其事衆人所皆。可爲而任不專己。又其爲與不爲。國之利害不繫焉者。如是而不顧其親。雖不以爲利。猶曰不孝。况因而利之乎。夫能事其親以孝。然後能事其君以忠。若烏震者。可謂大不孝矣。尚何有於忠哉。

## 烏冲

元蘇天爵滋溪集汴有隱君子曰烏君。諱冲。字叔倫。其先大寧路川州人。君從親官汴家焉。君明經勵行。高蹈深隱。享年五十有二。延祐二年五月十八日卒。葬通許縣之西原。後三十四年。外孫豪城董鏐奉母氏趙國夫人之命來請銘。初靜修先生劉公。因以高明之資。躬聖賢之學。道德風采。聳動四方。士之從者日衆。君年出二十。亦來授業。以公卿之子。素習富貴。冠服車騎。鮮明華好。既贊見歸。三日不返。諸生皆曰。

是豈真實爲學者歟。翼日君恃帶襖衣。執經趨席。刮磨豪習。凜若寒士。諸生噴噴驚嘆。劉公亦甚喜之。君爲學清苦。聞師之言。晝誦夜思。至忘寢食。數年始一歸省。蓋惟恐學之不及也。初值父亡。即能行古喪禮。三年不居于內。宗族賢之。父居官。廉家無儲積。諸兄宦游他邦。君獨養母。音甘常具。母亡。哀踰前喪。其家益貧。日宴食或不充。意泊如也。榜所居室曰存齋。杜門授徒。講說經訓。諄諄不倦。遠近學者爭歸之。劉公嘗集已所爲詩百餘篇。末年以命之曰丁亥集。寓意深遠。讀者或弗深曉。君爲註釋以達其意。真定安君熙。通經學古。數欲謁見劉公。不果。君盡以所聞告之。安君由是深有發焉。當是時。君聲名聞海內。憲府藩方薦者以十數。仁皇御極。銳意右文。一時儒士多不次進用。當路者方擬召君居成均。教胄子。而君卒矣。士論嗟惜久之。贈承事郎。祕書監。秘書郎。君祖考塔塔兒台。國初帥軍民詣界河北。迎謁太祖。有勅賜名。修檢虎者。命導太師國王南伐。累官龍虎衛上將軍。易州崇寧軍節度使。行川州元帥府事。考視初襲父官。充北京路總管。佩金虎符。歷尹真定。彰德。濟南諸郡。卒。官嘉議大夫。河南北河南道提刑叅察使。有名當世。三子。長陝西行臺治書侍御史某。次同知息州事某。季即君也。祖妣李氏。妣劉氏。配崔氏。真定路治中德昭之女。有賢行。中